



COMUNICACIÓN PARA O TRANSPORTE PROFESIONAL DE RESIDUOS PERIGOSOS

OBXECTO

Comunicar as actividades de transporte de residuos perigosos con carácter profesional e proceder á inscrición das persoas físicas ou xurídicas que realizan as ditas actividades no Rexistro Xeral de Produtores e Xestores de Residuos de Galicia.

LEXISLACIÓN APLICABLE

- Lei 22/2011, do 28 de xullo, de residuos e solos contaminados
- Lei 6/2021, do 17 de febreiro, de residuos e solos contaminados de Galicia.
- Real Decreto 553/2020, do 2 de xuño, polo que se regula o traslado de residuos no interior do territorio do Estado.
- Decreto 174/2005, do 9 de xuño, polo que se regula o réxime xurídico da produción e xestión de residuos e o Rexistro Xeral de Produtores e Xestores de Residuos de Galicia.

ÓRGANO QUE TRAMITA

O Servizo de Calidade e Avaliación Ambiental da Xefatura Territorial da Consellería de Medio Ambiente, Territorio e Vivenda correspondente á provincia onde se sitúa a sede social.

Aquelas entidades con sede social fora de Galicia deberán solicitar a inscrición no Rexistro da comunidade autónoma onde teñan a súa sede social, de conformidade co sinalado no artigo 29 da Lei 22/2011. Esta inscrición habilitálles para traballar en todo o territorio estatal, sen que proceda a inscrición no Rexistro de Produtores e Xestores de Residuos de Galicia.

No suposto de que a sede social da empresa se atope no estranxeiro, o órgano tramitador será o Servizo de Residuos, dentro da Dirección Xeral de Calidade Ambiental, Sostibilidade e Cambio Climático.

DOCUMENTACIÓN A ACHEGAR

- Formulario de comunicación (**anexo I**).
- Número de identificación fiscal (NIF) da empresa ou, se é o caso, do solicitante (só no caso de non autorizar a consulta).
- Xustificante do pago da **taxa** administrativa.
- Datos dos vehículos que se empregarán para o transporte de residuos perigosos. Deberán achegar tamén as tarxetas de transporte dos vehículos empregados na actividade ou, se non contan con elas, permisos de circulación e certificados da ITV.

OUTRA DOCUMENTACIÓN

Constitución dunha **fianza** polo importe que se lle requira para responder dos posibles danos que se poidan causar ao ambiente e do seu custo de restauración, así como para garantir o cumprimento de todas as obrigas que fronte á Administración se deriven do exercicio da actividade. O cálculo da fianza calcularase segundo a seguinte fórmula:

$$\text{Importe da fianza (en euros)} = 0,15 * K_a + 0,03 * K_b + 2.000$$

Sendo, K_a a suma da capacidade de carga útil (en quilogramos) dos vehículos de menos de 3.500kg de capacidade e K_b a suma da capacidade de carga útil (en quilogramos) dos vehículos de 3.500kg de capacidade ou superior.

A fianza deberase depositar na Caixa Xeral de Depósitos da Consellería de Facenda da Xunta de Galicia no prazo dun ano. Naqueles casos que, no prazo indicado, non teñan depositadas as garantías financeiras requiridas serán dadas de baixa de oficio no rexistro.

Ligazón para a consulta do modelo de aval: <https://sirga.xunta.gal/fianza-ambiental-tramite>

FORMULARIOS

- MT986G

PRAZO DE PRESENTACIÓN DAS COMUNICACIÓNS

Aberto todo o ano.

LUGAR DE PRESENTACIÓN DAS SOLICITUDES

De conformidade co previsto no artigo 16.4 da Lei 39/2015, as solicitudes poderán presentarse:

- No rexistro electrónico da Administración ou Organismo ao que se dirixan, así como nos restantes rexistros electrónicos de calquera dos suxeitos aos que se refire o artigo 2.1. A estes efectos poderá empregarse a sede electrónica (<https://sede.xunta.gal/portada>).



De conformidade co previsto no artigo 14.2 da Lei 39/2015 e co artigo 10.1 da Lei 4/2019, en todo caso estarán obrigados a relacionarse a través de medios electrónicos coas Administracións Públicas para a realización de calquera trámite dun procedemento administrativo, polo menos, os seguintes suxeitos:

- As persoas xurídicas.
- As entidades sen personalidade xurídica.
- Quen exerza unha actividade profesional para a que se requira colexiación obrigatoria, para os trámites e actuacións que realicen coas Administracións Públicas en exercicio da devandita actividade profesional. En todo caso, dentro deste colectivo entenderanse incluídos os notarios e rexistradores da propiedade e mercantís.
- Os traballadores autónomos e traballadoras autónomas para os trámites e actuacións que realicen no exercicio da súa actividade profesional.
- Os empregados das Administracións Públicas para os trámites e actuacións que realicen con elas por razón da súa condición de empregado público, na forma en que se determine regulamentariamente por cada Administración.
- Quen represente a un interesado que estea obrigado a relacionarse electronicamente coa Administración.

TAXAS

Datos xerais: <http://sirga.xunta.gal/taxas-administrativas>

Código: 32.52.04

Concepto: Inscripción como transportista profesional de residuos

INFORMACIÓN DA INSCRICIÓN

A comunicación terá efectos dende o momento en que se presenta, non obstante, a administración (Xefatura Territorial do Departamento da Consellería de Medio Ambiente, Territorio e Vivenda correspondente á provincia onde se sitúe a sede social) ten que comprobar o cumprimento dos requisitos por parte do solicitante, de modo que no caso de que o solicitante non os cumpra, comunicaráselle que non procede a inscrición en tanto non emende as deficiencias detectadas.

Unha vez comprobado o cumprimento dos requisitos esixidos, emitírase un escrito na que se comunique ao interesado o número da súa inscrición.

NOTA

Esta información ten unicamente carácter orientativo, polo que non substitúe nin modifica as disposicións normativas que regulan os diferentes procedementos administrativos nin, en consecuencia, pode dar orixe a dereitos ou obrigas que non se atopen contempladas na regulamentación específica.

Última modificación: xuño 2021